

Beth yw'r Arholiadau Mynediad?

Mae Arholiadau Mynediad Prifysgol Aberystwyth yn gwbl ddewisol. Gallai llwyddiant yn yr arholiadau arwain at fudd ariannol o hyd at £1,000 y flwyddyn ynghyd â chynnis diamod. Mae gofyn i ymgeiswyr wneud cais ar-lein i sefyll dau arholiad sy'n para am 1.5 awr yr un (y dyddiad cau ar gyfer ceisiadau yw 2 o Chwefror 2024). **Y dyddiad i sefyll yr arholiadau mewn ysgolion/colegau yw dydd Gwener 9 Chwefror.** Mae'n ofynol i ymgeiswyr gael caniatâd eu Swyddog Arholiadau cyn cyflwyno cais, a bydd angen enw a chyfeiriad ebost fel rhan o'r cais. Fel arfer, mae arholiadau'n cael eu cwblhau ar gyfrifiadur ysgol/coleg wrth ddefnyddio Microsoft Word, a'u cyflwyno'n electronig i amgylchedd dysgu rhithwir y Brifysgol, Blackboard.

Amserlen

Rydym yn hyblyg o ran amseroedd cychwyn arholiadau, cyn belled â bod y ddau arholiad yn cael eu sefyll ar y diwrnod penodedig. Yn anffodus, ni allwn newid dyddiad yr arholiad. Rydym wedi gofyn i ymgeiswyr gysylltu â Swyddogion Arholiadau mewn da bryd fel eu bod yn gwybod ble ac ar ba adegau y bydd eu harholiadau yn cael eu cynnal.

Isod mae *esiampl* o amserlen ar gyfer arholiadau mewn ysgolion/colegau.

10:30 – 12:00	Arholiad 1
12:00 – 13:00	Egwyl Cinio
13:15 – 14:45	Arholiad 2

Cyn diwrnod yr arholiadau

Gwnewch yn siŵr bod ymgeiswyr yn ymwybodol o leoliad ac amseroedd dechrau eu harholiadau, eu bod wedi actifadu eu cyfrif Prifysgol Aberystwyth, (bydd ymgeiswyr yn derbyn y manylion drwy ebost wedi'r dyddiad cau) ac wedi ymgyfarwyddo â'r broses arholiadau (gweler 'Gwybodaeth i Ymgeiswyr' isod).

Trefn yr arholiadau

Yn ystod wythnos yr arholiadau, bydd Swyddogion Arholiadau yn derbyn:

1. Rhestr o ymgeiswyr, gyda'u pynciau arholiad a manylion unrhyw ofynion arbennig ar gyfer arholiadau maen nhw wedi eu nodi
2. Manylion mewngofnodi i gael mynediad i'r papurau arholiad ar y tudalen [Papurau Arholiad](#)

Bydd angen i Swyddogion Arholiadau argraffu copïau papur o'r papurau arholiad mae eu hymgeisydd(wyr) wedi gwneud cais i'w sefyll. Ar ddiwrnod yr arholiadau, dylid darparu copi wedi'i argraffu o'r papur arholiad perthnasol i bob ymgeisydd ar ddechrau pob sesiwn arholiad. Gellir rhoi papur llinell i ymgeiswyr os ydynt am wneud nodiadau ychwanegol.

Mae gan ymgeiswyr 1.5 awr (ynghyd ag unrhyw amser ychwanegol y mae ganddynt hawl iddo) i gwblhau pob arholiad mewn dogfen Word (gweler 'Gofynion pwnc-benodol' isod ar gyfer eithriadau). Dylid safio papurau fel: Cyfenw_Enw Cyntaf_Pwnc.

Sicrhewch fod ymgeiswyr ond yn cael mynediad i'r we ar ôl i'r arholiad gael ei gwblhau a pan fyddant yn barod i gyflwyno eu papurau.

Cyflwyno papurau arholiad

Ar ôl i'r arholiad gael ei gwblhau, gall ymgeiswyr gael mynediad i'r we a chyflwyno eu papur drwy Blackboard.

Ar gyfer papurau ysgrifenedig neu os oes angen atodi unrhyw dudalennau papur ychwanegol, sganiwch y ddogfen a'i danfod at ysgoloriaethau@aber.ac.uk

Eithriadau - Mathemateg a Mathemateg Bellach

Bydd arholiadau Mathemateg a Mathemateg Bellach yn cael eu cwblhau ar bapur wedi'u leinio, yn hytrach nag ar gyfrifiadur. Rhewch bapur llinell A4 i ymgeiswyr i gwblhau'r papur. Darperir tablau ystadegol ar yr arholiadau Mathemateg ar y dudalen we lawrlwytho papur arholiad.

Ni fydd yn ofynnol i ymgeiswyr Ffiseg blotio graffiau na thynnu lluniau yn ystod yr arholiad, fodd bynnag, oherwydd natur gymhleth atebion ysgrifenedig rydym yn hapus i ymgeiswyr gwblhau eu harholiad ar bapur llinell os y dymunant.

Ar ôl cwblhau'r arholiad, sganiwch y tudalennau, arbedwch fel un ffeil PDF [Cyfenw_Enw Cyntaf_Pwnc], ac e-bostiwch y ffeil at: ysgoloriaethau@aber.ac.uk

Goruchwyllo

Mae'n rhaid i ymgeiswyr gael eu goruchwyllo gan aelod o staff o dan amodau arholiad arferol. Nid oes angen goruchwyllo ymgeiswyr yn ystod yr egwyl rhwng y sesiynau arholiad.

Anghenion ychwanegol ac anghenion arbennig

Mae gan ymgeiswyr hawl i'r un ystyriaethau y maen nhw'n eu derbyn ar gyfer arholiadau ysgol arferol ac mae ein [polisi ar addasiadau rhesymol](#) ar gael ar ein gwefan. Pan fydd ymgeiswyr wedi ein hysbysu o unrhyw ofynion, rhestrir y rhain wrth ymyl eu henw yn y rhestr bresenoldeb bydd Swyddogion Arholiadau yn eu derbyn. Gofynnwn i Swyddogion Arholiadau e-bostio ysgoloriaethau@aber.ac.uk i gadarnhau'r ystyriaethau arbennig y mae gan ymgeiswyr yr hawl i'w derbyn.

Os oes unrhyw faterion yn codi ble mae angen i arholwyr Prifysgol Aberystwyth fod yn ymwybodol ohonynt (e.e digwyddiad sy'n tarfu ar arholiadau neu salwch) anfonwch e-bost at ysgoloriaethau@aber.ac.uk a byddwn yn sicrhau bod yr Arholwyr perthnasol yn cael gwybod.

Gofynion pwnc-benodol

Ni chaniateir i ymgeiswyr gymryd ffonau symudol, oriawr 'smart' nac unrhyw ddyfeisiau digidol tebyg i'r Arholiadau Mynediad. Oni nodir fel arall isod, ni ellir defnyddio unrhyw destunau, geiriaduron, atlasau neu ddogfennau neu offer eraill. Bydd yr ymgeiswyr yn sefyll dau bapur arholiad, oni bai eu bod yn cyflwyno portffolio o waith celf neu ffotograffiaeth yn lle un o'r papurau arholiad.

Cyfrifianellau - caniateir defnyddio cyfrifianellau an-raglenadwy (ar yr amod eu bod yn ddistaw, hunan-bweru, heb gyfleusterau cyfathrebu, ac yn gallu dal testun neu ddeunydd arall y gellid ei ddefnyddio i gael mantais annheg) **ar gyfer: Cyfrifeg a Chyllid, Busnes a Rheoli, Cemeg, Economeg, Mathemateg a Ffiseg**. Dylai ymgeiswyr ddarparu eu cyfrifiannell eu hunain.

- [Portffolio Celfyddyd Gain](#) – rhaid i ymgeiswyr drefnu i gyflwyno eu portffolio erbyn dyddiad yr arholiadau ysgrifenedig.
- **Cemeg** – darperir tabl cyfnodol fel rhan o'r papur arholiad.

- **Mathemateg a Mathemateg Bellach** - gall ymgeiswyr sefyll i mewn i'r archwiliad unrhyw 'Lyfrynnau Gwybodaeth' a gymeradwywyd gan eu bwrdd arholi i'w defnyddio mewn arholiadau, fodd bynnag, darperir [Tablau Ystadegol](#) sydd yn cynnwys yr holl wybodaeth sydd ei hangen.
- **Ffiseg** – bydd yr holl wybodaeth berthnasol yn cael ei chynnwys o fewn y papur, ond gall ymgeiswyr gymryd i mewn i'r ystafell arholi unrhyw 'Lyfrynnau Gwybodaeth' a ganiateir gan eu Byrddau Arholi i'w defnyddio yn yr arholiadau hynny os dymunant.
- [Portffolio Ffotograffiaeth](#) - rhaid i ymgeiswyr drefnu i gyflwyno eu portffolio erbyn dyddiad yr arholiadau ysgrifenedig.

Gwybodaeth ar gyfer ymgeiswyr

Mae copi o'r [Canllawiau ar gyfer Ymgeiswyr](#) i'w gweld ar ein gwefan. Byddant hefyd yn derbyn e-bost sy'n ei hatgoffa o'r pynciau y maent wedi dewis eistedd er mwyn iddynt sicrhau bod ein cofnodion yn gywir a'n hysbysu am unrhyw newidiadau munud olaf. Cynghorir ymgeiswyr i adolygu'r fideo byr **cyn** diwrnod yr arholiadau er mwyn ymgyfarwyddo â sut i gyflwyno papurau arholiad wedi'u cwblhau.

Byd ymgeiswyr yn derbyn e-bost gennym ar ol y dyddiad cau (2il o Chwefror) yn cynnwys cyfarwyddiadau ar sut i actifadu ei cyfrif Prifysgol Aberystwyth. Sicrhewch fod ymgeiswyr wedi cwblhau hyn cyn yr arholiadau fel bod modd iddynt fewngofnodi i'n hamgylchedd dysgu rhithwir a chyflwyno eu papurau arholiad gorffenedig. Os yw ymgeiswyr yn anghofio eu manylion mewngofnodi gallant e-bostio ysgoloriaethau@aber.ac.uk i gael ailosod ei cyfrinair. Sylwch y gall gymryd hyd at awr i'r newid hwn gael effaith.

Gofynion TG

1. Mae cyfrifiadur/gliniadur ysgol/coleg gyda Microsoft Word (neu becyn prosesu geiriau tebyg) wedi'i osod (os yn bosibl, galluogwch [autosave](#)). Nid oes angen analluogi *spellcheck* ond gofynnw i chi sicrhau nad yw'r ymgeiswyr yn mynd ar y rhyngwrwyd na pheccynnau meddalwedd eraill yn ystod yr arholiad.
2. Cysylltiad rhyngwrwyd sefydlog ac un ai porwr gwe Chrome, Firefox neu Edge er mwyn cyflwyno'r papurau arholiad ar ôl eu cwblhau.
3. Gofynnwch i'ch Tîm Cymorth TG i sicrhau bod y gosodiadau Firewall yn caniatáu i ymgeiswyr gael mynediad i [Blackboard](#).

Canlyniadau

Bydd canlyniadau yn cael eu e-bostio i ymgeiswyr a Swyddogion Arholiadau o fewn 4-6 wythnos i'r arholiadau ddigwydd.

Cwestiynau cyffredin

Gweler hefyd y [gwefan](#).

Beth os nad ydyn ni'n gallu darparu cyfrifiadur ar gyfer yr arholiadau?

Rhowch bapur llinell A4 i ymgeiswyr. Ar ôl i'r arholiad orffen, sganiwch y ddogfen a'i danfon i ysgoloriaethau@aber.ac.uk.

Beth ddylwn i ei wneud os na all ymgeisydd gael mynediad i Blackboard, neu gyflwyno eu papur arholiad gan ddefnyddio pwynt cyflwyno Turnitin yn Blackboard?

1. Gwiriwch y cyfeiriad ar y we: <https://blackboard.aber.ac.uk>
2. Sicrhewch fod yr ymgeiswyr wedi gwirio'r enw defnyddiwr a'r cyfrinair iawn a'u teipio'n gywir.

3. Gofynnwch i'r ymgeisydd gau'r porwr gwe i lawr yn llwyr (nid lleihau) yna ailgychwyn a cheisio cyflwyno eto.
4. Os nad ydy'r uchod yn gweithio, dylai ymgeiswyr e-bostio eu papur gorffenedig i ysgoloriaethau@aber.ac.uk – tra'ch bod yn gwyllo. Gwnewch yn siŵr bod pob papur yn cael ei labelu gydag enw a phwnc y myfyriwr e.e. Evans Sam Bioleg

Beth pe bai ymgeisydd yn absennol ar gyfer un arholiad neu fwy?

Rhowch wybod i ni drwy [e-bost](#) os oedd unrhyw ymgeisydd yn absennol ar gyfer un arholiad neu fwy.

Canllawiau a Pholisïau a allai fod yn ddefnyddiol:

[Canllawiau Arholiadau Mynediad i Ymgeiswyr](#)

[Polisi ar wneud addasiadau rhesymol i ymgeiswyr sy'n sefyll yr Arholiadau Mynediad](#)

[Polisi ar Ymddygiad Academaidd da ac annheg ar gyfer yr Arholiadau Mynediad](#)

Gwybodaeth bellach:

Diolch yn fawr iawn am eich cymorth gyda'r trefniadau arholiadau. Os oes gennych unrhyw gwestiynau, ewch i [dudalen gwe'r Arholiadau Mynediad](#) neu cysylltwch â'r Tîm Ysgoloriaethau trwy ysgoloriaethau@aber.ac.uk